

御选历代诗余

卷之二

御選歷代詩餘卷八目錄

起四十二字  
至四十四字

玉蝴蝶

又一體

孫光憲

清商怨

晏幾道

周邦彥

陳允平

醉垂鞭

張先

小桃紅

王暉

二首

倪瓚

春光好 又一體

程垓

歸國謠

温庭筠

前調 又一體

顏奎

愁倚闌令

晏幾道

蔡伸

曾覲

詩選卷八目錄  
第一目  
第二目  
第三目  
第四目  
第五目  
第六目  
第七目  
第八目  
第九目  
第十目  
第十一目  
第十二目  
第十三目  
第十四目  
第十五目  
第十六目  
第十七目  
第十八目  
第十九目  
第二十目

程垓

歐良

石孝友

生查子

又一體

張泌

前調

又一體

陳亞

訴衷情

又一體

吳子孝

雪花飛

黃庭堅

酒泉子 又一體

牛嶠

前調 又一體

顧夔

前調 又一體

李珣

紗窗恨 又一體

毛文錫

中興樂 又一體

牛希濟

酒泉子 又一體

顧夔

前調 又一體

顧夔

前調 又一體

顧夔

前調 又一體

李珣

前調 又一體

李珣

前調 又一體

張泌

前調

又一體

前張泌

傷春怨

前王安石

霜天曉角

前趙師俠

辛棄疾

前韓元吉

曹冠

前呂勝已

劉圻父

前調又一體

林逋

趙長卿

范成大

周必大

甄龍友

張輯

謝懋

吳禮之

高觀國

蕭泰來



趙希彭

王澡

葛長庚

韓玉

前調

又一體

蔣捷

黃機

樓槃

二首

清商怨

又一體

晏殊

周邦彥

前調 又一體

沈會宗

歸國謠 又一體

韋莊 三首

小桃紅 又一體

王暉 二首

殿前懽

倪瓚

水仙子

倪瓚

減字木蘭花

徐運歷代詩集 卷八  
歐陽修

晏幾道 二首

蘇軾 六首

黃庭堅 六首

秦觀

毛滂

舒亶 二首

王安國

謝逸

謝邁

周邦彥

李祁

夏倪

李綱

朱敦儒

曾覿

范成大  
三首

陳三聘  
二首

吳儆  
三首

趙彥端

管鑑

汪莘

石孝友

魏氏

二首

蔣氏

高士談

韓玉

李東陽

吳洪

趙寬

徐階

吳子孝

二首

馮鼎位

馬瓊瓊

孟淑卿

巫山一段雲

毛文錫 二首

歐陽炯

李珣 二首

趙孟頫 五首

黃氏

霜天曉角 又一體

趙長卿

前調 又一體

趙長卿

前調 又一體

吳文英

酒泉子 又一體

顧夔

御選歷代詩餘卷八目錄

御選歷代詩餘卷八

起四十二字至四十四字

青怪笑燃辭外今半開輝

南楚谷意五小韻

司經局洗馬掌局事兼翰林院修撰加二級臣王奕清奉

旨校刊

刺次平

玉蝴蝶

又一體雙調四十二字

玉蝴蝶

孫光憲

春欲盡景仍長滿園花正黃粉翅兩悠揚翩翩過短牆

鮮飈暖牽游伴飛去立殘芳無語對蕭娘舞衫沉麝

香

清商怨

晉樂府有清商曲唐舞曲有清商伎其聲最為淒婉調名以此又名傷情怨又名關河令雙調四十二字

印選歷代詩餘

玉蝴蝶 清商怨



清商怨

晏幾道

庭花香信尚淺。最玉樓先暖。夢覺香衾江南依舊遠。  
迴文錦字暗翦。謾寄與也。應歸晚。要問相思天涯猶自  
短。

前調

周邦彥

枝頭風信漸小。看暮鴉飛了。又是黃昏閉門收。返照  
江南人去。路杳信未通。愁已先到。怕見孤燈霜寒催睡  
早。

前調

陳允平

南枝春意正小。籬菊都荒了。帳底孤燈夜來還。獨照  
沙洲煙翠。渺渺謝塞鴻。頻帶書到。笑撚梅花。今年開較

早

醉垂鞭

雙調四

十二字

醉垂鞭

張先

雙蝶繡羅裙東池宴初相見朱粉不深勻閒花淡淡春  
細看諸處好人人道柳腰身昨日亂山昏來時衣上  
雲

小桃紅

一名平湖樂雙

調四十二字

小桃紅

王惲

秋風嫋嫋白雲飛人在平湖醉雲影湖光澹無際錦屏

印

清

醉

小

春

後漢書卷八  
卷八  
圍故人遠在千山外百年心事一尊濁酒長使此心  
違

前調

王暉

安仁雙鬢已驚秋更甚省頭皺一笑相逢且開口玉爲  
舟新詞澹似鵝黃酒醉歸扶路竹西歌吹人道是揚  
州

前調

倪瓚

一江秋水澹寒煙水影明如練眼底離愁數行鴈雪晴  
天綠蘋紅蓼參差見吳歌蕩槳一聲哀怨驚起白鷗  
眠

春光好

又一體雙調  
四十二字

春光好

程垓

春猶淺柳初芽杏初花楊柳杏花交映處有人家  
玉  
牕明暖烘霞小屏上水遠山斜昨夜酒多春睡重莫驚  
他

歸國謠

雙調四  
十二字

歸國謠

温庭筠

香玉翠鳳寶釵垂累綬鈿筐交勝金粟越羅春水綠  
畫堂照簾殘燭夢餘更漏促謝娘無限心曲曉屏山斷  
續

行遊屐不言食  
卷一  
前調

又一體

顏奎

春風拂拂簷花雙燕入少年湖上風日問天何處覓  
湖山畫屏晴碧夢華知夙昔東風忘了前跡上青蕪半  
壁

愁倚闌令

雙調四十二字亦春光好之別一體也

愁倚闌令

晏幾道

憑江閣看煙鴻恨春濃還有當年聞笛淚灑東風時  
候草綠花紅斜陽外遠水溶溶渾是阿蓮雙枕畔畫堂  
中

前調

蔡伸

天如水月如鈎正新秋月影參差人窈窕小紅樓如  
今往事悠悠樓前水腸斷東流舊物忍看金約腕玉搔  
頭

前調

曾覲

心頭事不思量自難忘花底夢迴春漠漠恨偏長  
時多少韶光雕闌靜芳草池塘風急落紅留不住又斜  
陽

前調

三榮  
道上

程垓

山無數雨蕭蕭路迢迢不似芙蓉城下去柳如腰  
隨春絮飄飄知他在第幾朱橋說與杜鵑休喚起怕魂  
銷

前調

歐良

東風惡宿雲凝忒無情合造梨花深院兩斷腸聲  
上春夢初醒紅窗外何處啼鶯已辦春游雙舫幾時  
晴

前調

石孝友

淮水闊楚山長恨難量不道離愁人獨夜更天涼  
又佳節虛過重陽更籬下拆盡疎黃看取清溪三百曲是回  
腸

生查子

又一體雜文調  
四十二字

生查子

張泌

相見稀喜相見相見還相遠檀畫荔枝紅金蔓蜻蜓軟  
魚鴈疎芳信斷花落庭陰晚可惜玉肌膚銷瘦成慵  
嬾

前調

又一體

陳亞

相思意已深白紙書難足字字苦參商故要檳榔讀  
分明記得約當歸遠至櫻桃熟何事菊花時猶未回鄉  
曲

訴衷情

又一體雙調  
四十二字

訴衷情

吳子孝

良宵喜見月華明風和雨又晴層雲如洗萬里湛空青



人已靜睡初醒酒初行玉爐香暖寶檻花鮮春滿簾

旌

雪花飛

雙調四十二字

雪花飛

黃庭堅

攜手青雲路穩天聲迤邐傳呼袍笏恩章乍賜春滿皇  
都何處難忘酒瓊花照玉壺歸嬾絲鞞競醉雪舞郊衢

酒泉子

又一體雙調四十二字

酒泉子

牛曼嶠

記得去年煙暖杏園花正發雪飄香江草綠柳絲長  
鈿車織手捲簾望睂學春山樣鳳釵低裊翠鬟上落梅  
妝

前調

又一體

顧 夔

黛薄紅深約掠綠鬢雲膩小鴛鴦金翡翠稱人心 錦  
鱗無處傳幽意海燕蘭堂春又至隔年書千點淚恨難  
任

前調

又一體

李 珣

秋月嬋娟皎潔碧紗窗外照花穿竹冷沉沉印池心  
凝露滴砌蛩吟驚覺謝娘殘夢夜深斜傍枕前來影徘徊

回

紗牕恨

又一體雙調  
四十二字

紗牕恨

毛文錫

雙雙蝶翅塗鉛粉，啞花心綺牕繡戶。飛來穩畫堂陰

二三月愛隨風絮，伴落花來拂衣襟。更翦輕羅片，傳黃

金

中興樂

又一體雙調四十二字牛希濟  
詞有濕羅衣三字後亦以名調

中興樂

牛希濟

池塘暖碧浸晴暉，濛濛柳絮輕飛。紅蕊凋來醉夢還稀。  
春雲空有鴈歸珠簾垂。東風寂寞恨郎拋擲淚濕羅

衣

酒泉子

又一體雙調  
四十三字

酒泉子

顧 夔

掩却菱花收拾翠鈿休上面金蟲玉燕鎖香奩恨厭厭  
雲鬢半墜嬾重簪淚侵山枕濕銀燈背帳夢方酣鴈  
飛南

前調

又一體

顧 夔

水碧風清入檻細香紅藕膩謝娘斂翠恨無涯小屏斜  
堪憎蕩子不還家謾留羅帶結帳深枕膩炷沉煙負

當年

印星臺氏詩余

卷一

中興樂

酒泉子

一

前調

又一體

顧 覓

小檻日斜風度綠窗人悄悄翠帷閒掩舞雙鸞舊香寒  
別來情緒轉難判韶顏看却老依稀粉上有啼痕暗  
銷魂

前調

又一體

李 珣

寂寞青樓風觸繡簾珠碎撼月朦朧花黯淡鎖春愁  
尋思往事依稀夢淚臉露桃紅色重鬢敲蟬釵墜鳳思  
悠悠

前調

李 珣

雨漬花零紅散香凋池兩岸別情遙春欲斷掩銀屏  
孤帆早晚離三楚閒理鈿箏愁幾許曲中情絃上語不

堪聽

前調

又一體

李珣

秋雨連絲聲散敗荷叢裏那堪深夜枕前聽酒初醒  
牽愁惹思更無停燭暗香凝天欲曙細和煙冷和雨透  
簾旌

前調

又一體

張泌

紫陌青門三十六宮春色御溝輦路暗相通杏園風  
咸陽沽酒寶釵空笑指未央歸去插花走馬落殘紅月  
明中

前調

又一體

張泌

春雨打牕驚夢覺來天氣曉畫堂深紅燄小背蘭釵

酒香噴鼻嬾開缸惆悵更無人共醉舊巢中新燕子語  
雙雙

傷春怨

雙調四  
十三字

傷春怨

王安石

雨打江南樹一夜花開無數綠葉漸成陰下有遊人歸  
路與君相逢處不道春將暮把酒祝東風且莫恁匆  
匆去

霜天曉角

一名月當牕一名梅  
花令雙調四十三字

霜天曉角

三衢  
道中

趙師俠

雨餘風勁霧重千山暝茅屋寒林相映分明是畫圖景  
去程何日定天遠長安近喚起新愁無盡全沒箇故  
園信

前調

辛棄疾

吳頭楚尾一棹人千里休說舊愁新恨長亭樹今如此  
宦遊吾倦矣玉人留我醉明日落花寒食得且住爲  
佳耳

前調

題采石磯  
峨嵋亭

韓元吉

倚天絕壁直下江千尺天際兩蛾凝黛愁與恨幾時極  
暮潮風正急酒闌聞塞笛試問謫仙何處青山外遠  
煙碧



前調

曹冠

水亭清絕擁翠環林樾湘簟賓筵乘興玉壺酒漾冰雪  
寶獸沉煙爇玉琴清韻徹夜永風微煙淡梧桐影碎  
明月

前調

題九  
里驛

呂勝已

曉來風作病怯春衫薄郭外溪山明秀紅塵裏自拘束  
村酒頻斟酌野花偏綽約十載人非物是驚回首夢  
初覺

前調

劉圻父

橫陰漠漠似覺羅衣薄正是海棠時候紗牕外東風惡  
惜春春寂寞尋花花冷落不會這些情味元不是念

離索

前調

又一體  
梅花

林逋

冰清霜潔昨夜梅花發甚處玉龍三弄聲搖動枝頭月  
夢絕金獸焚曉寒蘭燼滅更捲珠簾清賞且莫掃堦

前雪

前調

和梅

趙長卿

雪花飛歇好向前村折行至斷橋斜處寒蕊瘦不禁雪  
韻絕香更絕歸來人共說最愛夜堂深迴疎影占半

牕月

前調

和梅

范成大

晚晴風歇一夜春威折脉脉花疎天淡雲來去數枝雪

勝絕愁亦絕此情誰共說惟有兩行低雁知人倚畫

樓月

前調

周必大

香莓徑滑縈繞秋曲折簾額紅搖波影魚驚睡暗吹沫  
浪闊輕棹撥武陵曾話別一點煙紅春小桃花夢半  
牀月

前調

題赤壁

甄龍友

峨眉仙客四海文章伯來向東坡遊戲人間世著不得  
去國誰愛惜在天何處覓但見樽前人唱前赤壁後  
赤壁

前調

張輯

看朱成碧曾醉梅花側相遇匆匆相別又爭似不相識  
南北千里隔幾時重見得最苦子規啼處一片月當  
牕白

前調

桂花

謝

懋

綠雲翦葉低護黃金屑占斷花中聲譽香與韻兩清潔  
勝絕君聽說是他來處別試看仙衣猶帶金庭露玉  
階月

前調

吳禮之

西風又急細雨黃花濕樓枕一篙煙水蘭舟漾畫橋側  
念昔空淚滴故人何處覓魂斷菱歌淒怨疎簾卷暮  
山碧

前調

高觀國

春雲粉色春水和雲濕試問西湖楊柳東風外幾絲碧  
望極連翠陌蘭橈雙槳急欲訪莫愁何處旗亭在畫  
橋側

前調

梅

蕭泰來

千霜萬雪受盡寒磨折賴是生來瘦硬渾不怕角吹徹  
清絕影也別知心惟有月元沒春風情性如何共海  
棠說

前調

桂

趙希彭

姮娥戲劇手種長生粒寶幹婆娑千古飄芳吹滿虛碧  
韻色檀露滴人間秋第一金粟如來境界誰移在小

亭側

前調

梅

王

澡

疎明瘦直不受東皇識留與伴春應肯千紅底怎著得  
夜色何處笛曉寒無奈力飛入壽陽宮裏一點點有  
人惜

前調

綠淨堂

葛長庚

五羊安在城市何曾改十萬人家闌闌東亦海西亦海  
歲歲蒲澗會地接蓬萊界老樹知他一劫千山外萬  
山外

前調

韓

玉

竹籬茅屋一樹扶疎玉容裏十分清絕有人在江南北

佇目詩思促翠袖倚修竹不是月媒風聘誰人與伴  
幽獨

前調

又一體

蔣捷

人影牕紗是誰來折花折則從他折去知折去向誰家  
簷牙枝最佳折時高折些說與折花人道須插向鬢  
邊斜

前調

黃機

玉粲冰寒月痕侵畫闌客裏安愁無地爲徙倚到更殘  
問花花不言嗅香香欲闌消得箇溫存處山六曲翠  
屏閒

前調

梅

樓槃

月澹風輕黃昏未是清吟到十分清處也不啻二三更  
曉鐘天未明曉霜人未行只有城頭殘角說得盡我  
平生

前調 梅

樓 槃

翦雪裁冰有人嫌太清又有人嫌太瘦都不是我知音  
誰是我知音孤山人姓林一自西湖別後辜負我到  
如今

清商怨

又一體雙調  
四十三字

清商怨

晏 殊

關河愁思望處滿漸素秋向晚雁過南雲行人回淚眼



雙鸞衾裯悔展夜又永枕孤人遠夢未成歸梅花聞  
塞管

前調

周邦彥

秋陰時作漸向暝變一庭淒冷佇聽寒聲雲深無鴈影  
更深人去寂靜但照壁孤燈相映酒已都醒如何消  
夜永

前調

又一體

沈會宗

城上鴉啼斗轉漸玉壺冰滿月淡寒梅清香來小苑  
誰遣鸞簫寫怨翻錦字疊疊和愁卷夢破蘆笳江南煙  
樹遠

歸國謠

又一體雙調  
四十三字

歸國謠

金翡翠為我南飛傳我意  
罨畫橋邊春水幾年花下醉  
別後只知相愧淚珠難遠寄  
羅幕繡幃鴛鴦被舊歡如  
夢裏

前調

春欲晚戲蝶遊蜂花爛漫  
日落謝家池館柳絲金縷斷  
睡覺綠髮風亂畫屏雲雨散  
閒倚博山長歎淚流露  
皓腕

前調

韋莊

春欲暮滿地落花紅帶雨  
惆悵玉籠鸚鵡單棲無伴侶

歸國謠

小桃紅

歸國謠

前調

南望去程何許問花花不語早晚得同歸去恨無雙

翠羽

小桃紅

又一體雙調四十三字

小桃紅

秋風湖上水增波水底雲陰過憔悴湘纍莫輕和且高歌  
凌波幽夢誰驚破佳人望斷碧雲暮合道別後意如何

前調

王季羣

采蓮人語隔秋煙波靜如橫練入手風光莫流轉共留連  
畫船一笑春風面江山信美終非吾土問何日是

歸年

殿前懽

雙調四

十三字

殿前懽

倪瓚

搵啼紅杏花消息雨聲中十年一覺揚州夢春水如空

雁波寒寫去踪離愁重南浦行雲送冰絃玉柱彈怨

東風

水仙子

雙調四

十四字

水仙子

倪瓚

東風花外小紅樓南浦山橫眉黛愁春寒不管花枝瘦

無情水自流  
簷間燕語嬌柔驚回幽夢難尋舊遊落

日簾鈎

減字木蘭花

雙調四十四  
字平仄互叶

減字木蘭花

歐陽修

樓臺向曉澹月低雲天氣好翠幕風微宛轉涼州入破  
時香生舞袂楚女腰肢天與細汗粉重勻酒後輕寒  
不著人

前調

晏幾道

長亭晚送都似綠牕前日夢小字還家恰應紅燈昨夜  
花良時易過半鏡流年春欲破往事難忘一枕高樓

到夕陽

前調

晏幾道

留春不住恰似年光無味處滿眼飛英彈指東風太淺  
情 箏絃未穩學得新聲難破恨轉枕花前且伴香紅  
一夜眠

前調

荔枝

蘇軾

閩溪珍獻過海雲帆來似箭玉座金盤不貢奇葩四百  
年 輕紅軟白雅稱佳人纖手擘骨細肌香恰似當年  
十八娘

前調

雙松上絡  
凌霄花

蘇軾

雙龍對起白甲蒼髯煙雨裏疎影微香下有幽人晝夢

長湖風清軟雙雀飛來爭噪晚翠颭紅輕時下凌霄  
百尺英

前調

蘇軾

曉來風細不會鵲聲來報喜却羨寒梅先覺春風一夜  
來香箋一紙寫盡回文機上意欲捲重開讀徧千迴  
與萬迴

前調

蘇軾

春牛春仗無限春風來海上便與春工染得桃花似肉  
紅春幡春勝一陣春風吹酒醒不似天涯捲起楊花  
似雪花

前調

蘇軾

玉房金蕊宜在玉人纖手裏澹月朦朧更有微微弄袖  
風温香熟美醉鬢雲鬢垂兩耳多謝春工不是花紅  
是玉紅

前調

琴

蘇軾

神閒氣定萬籟收聲天地靜玉指冰絃未動宮商意已  
傳寒悲風流水寫出寥寥千古意歸去無眠一夜餘音  
在耳邊

前調

黃庭堅

巫山古縣老杜淹留情始見撥悶題詩千古神交世不  
知雲陽臺下更值清明風雨夜知道愁辛果是當時  
作賦人



前調

黃庭堅

詩翁才刃曾陷文場貔虎陣誰敢當哉況是焚舟決勝  
來三巴春杪客館夢回風雨曉胸次崢嶸欲共潮頭  
赤甲平

前調

黃庭堅

餘寒爭令雪共臘梅相照映昨夜東風已出耕牛勸歲  
功陰陰幕幕近覺春天無幾尺休恨春遲桃李梢頭  
次第知

前調

黃庭堅

中秋無雨醉送月銜西嶺去笑口須開幾度中秋見月  
來前年江外兒女傳杯兄弟會此夜登樓小謝清吟

慰白頭

前調

登巫山  
縣樓

黃庭堅

襄王夢裏草綠煙深何處是宋玉臺頭暮雨朝雲幾許  
愁 飛花漫漫不管羈人腸欲斷春水茫茫欲渡南陵  
更斷腸

前調

秋夜黔  
守席上

黃庭堅

舉頭無語家在月明深處住擬上摩圍最上峰頭試望  
之 偏憐絡秀共苦同甘誰更有想見牽衣月到愁邊  
總未知

前調

秦觀

天涯舊恨獨自淒涼人不問欲見迴腸斷續金爐小篆

香黛蛾長斂任是東風吹不轉困倚危樓過盡飛鴻  
字字愁

前調

留賈  
耘老

毛滂

曾教風月催促花邊煙棹發不管花開月白風清始肯  
來既來且住風月閒尋秋好處收取淒清暖日闌干  
助夢吟

前調

戲吳  
奉議

舒亶

看山斂額往事追思空手拍鴈字頻飛生怕人來說著  
伊閒拋繡履愁帶香衾渾不起莫似揚州只作尋常  
薄倖休

前調

賦錦  
帶花

舒亶

碎紅如繡搖曳東風垂綵綬擬倩柔條約住佳人細柳  
腰蜀江春綠爭似枝頭能結束纖手攀時欲綰同心  
寄與誰

前調

王安國

畫橋流水雨濕落花飛不起月破黃昏簾裏餘香馬上  
聞徘徊不語今夜夢魂何處去不似垂楊猶解飛花  
入洞房

前調

謝逸

荷花風細乞巧樓中涼似水天幕低垂新月彎環淺暈  
睂橋橫烏鵲不負年年雲外約淺漏疎鐘腸斷朝霞  
一縷紅

前調

贈恭妓  
宋瑤

謝 邁

風篁度曲倦倚銀屏初睡足清簟疎簾金鴨香消嬾更  
添纖纖露玉風電縱橫飛鈿局顰斂雙蛾凝竚無言  
密意多

前調

周邦彥

風鬟霧鬢便覺蓬萊三島近水秀山明縹緲仙姿畫不  
成廣寒丹桂豈是天桃塵俗世只恐乘風飛上瓊樓  
玉宇中

前調

李 祁

梨花院宇澹月微雲初過雨一枕輕寒夢入西瑤小道  
山花深人靜簾鎖香煙清晝永紅藥闌干玉案春風

窈窕間

前調

登語  
臺作

夏倪

江涵曉日蕩漾波光搖槳入笑指浯溪漫叟雄文鎖翠  
微休嗟不偶歸到中州何處有獨立風煙湘水浯臺  
總接天

前調

讀神  
仙傳

李綱

茫茫雲海方丈蓬壺何處在擬泛輕舟一到金鰲背上  
遊瓊樓珠室千歲蟠桃初結實月冷風清試倩雙成  
吸玉笙

前調

聽琵琶

朱敦儒

劉郎已老不管桃花依舊笑要聽琵琶重院啼鶯覓謝

家曲終人醉多似潯陽江上淚萬里東風一望山河  
落照紅

前調

宴賞賜  
牡丹作

曾覲

一聲杜宇滿地落紅愁不語國色春嬌不逐風前柳絮  
飄珠簾休捲愛惜龍香藏粉豔勝友俱來同醉君恩  
倒玉杯

前調

雪

范成大

玉煙浮動銀闕三山連海凍翠袖闌干不怕樓高酒力  
寒雙松凍折忽憶衰翁容易別想見鷗邊壓損年時  
小釣船

前調

范成大

枕書睡熟珍重月明相伴宿寶鴨金寒香滿圍屏宛轉  
山雞人聲杳瑤井玉人相對曉黯淡窗紗却下風簾  
護燭花

前調

范成大

殷勤舉白昨夜東風猶有雪莫恨春遲曾見梅花第一  
枝陰晴未決早晚清明新火活夢遶秦樓欲趁歸潮  
上客舟

前調

陳三聘

凝雲不動玉海無聲千丈凍來倚闌干襟袖憑虛徹骨  
寒歸心易折後夜月明應恨別罨畫圖邊著我披蓑  
上釣船



前調

陳三聘

臘前三白春到西園還見雪紅紫花遲借作東風萬玉  
枝歸田計決麥飯熟時應快活身在高樓心在山陰  
一葉舟

前調

中秋獨與  
靜之飲

吳做

碧梧秋老滿地琅玕紛不掃門掩黃昏惟有年時月照  
人淒涼滿眼肯作六年燈火伴莫說淒涼來歲如今  
天一方

前調

朱子淵見和  
次韻爲謝

吳做

思君欲老一榻塵生誰與掃祿仰晨昏同是遲遲去魯  
人行當洗眼看子青藜來夜伴莫變炎涼斬馬還須

請上方

前調

吳做

此身已老三徑都荒長却掃面目塵昏怕著朝章揖貴  
人難瞞明眼只有青山堪作伴觸事心涼無病何勞  
更覓方

前調

趙彥端

亂雲縈浦作雪不成還是雨知我爲何一笑仍添一恨  
多不須歸去琥珀杯深能幾許草色如袍記取從今  
舞處嬌

前調

唐守生日

管鑑

亂花飛絮却是一年春好處留住韶光共醉蓬萊日月

長 翻堦紅藥天上東風傳近約綠徧庭槐看取除書  
一併來

前調

汪莘

詩家清絕簷外森然蒼玉節學易無思一笑牕前白玉  
妃 何人共說山上青松松上雪更有誰知溪在門前  
月在溪

前調

贈何藻

石孝友

新荷小小比目魚兒翻翠藻小小新荷點破清光景趣  
多 青青半捲一寸芳心渾未展待得圓時罩定鴛鴦  
一對兒

前調

宋媛  
魏氏

西樓明月掩映梨花千樹雪樓上人歸愁聽孤城一雁  
飛玉人何處又見江南春色暮芳信難尋去後桃花  
流水深

前調

魏氏

落花飛絮杳杳天涯人甚處欲寄相思春盡衡陽雁漸  
稀離腸淚眼腸斷淚痕流不斷明月西樓一曲闌干  
一倍愁

前調

題雄州驛

宋媛  
蔣氏

朝雲橫度轆轤車聲如水去白草黃沙月照孤村三兩  
家飛鴻過也百結愁腸無晝夜漸近燕山回首鄉關  
歸路難

前調

高士談

西湖睡起飛絮遊絲春老矣漲綠涵空十頃玻璃四面  
風平時事少天與湖山供坐嘯他日西州却怕羊曇  
感舊游

前調

韓玉

香檀素手緩理新詞來伴酒音調淒涼便是無情也斷  
腸莫歌楊柳記得渭城朝雨後客路茫茫幾度東風  
蕙草長

前調

李東陽

危峰欲墮巖背老翁方穩坐落葉無聲樹底風來了不  
驚祇緣詩癖縱有閒心閒未得剛道忙來世事何曾

一掛懷

前調

吳洪

雪花飄了待得梅花來索笑雪白梅香看盡千林興倍  
長扶筇散步拾得灞橋清絕句歲歲年年梅雪催人  
到酒邊

前調

姚江  
阻雨

趙寬

黑風吹水水拍船頭行復止白雨橫秋秋色蕭森動客  
愁踈鐘何處知在前邨黃葉樹茅屋誰家荒徑無人  
菊自花

前調

贈別

徐階

平涼何處匹馬孤城悲遠去薊樹秦雲何日論文更對

君邊塵作惡利器盤根剛遇著看取功成政事文章  
二美并

前調

送友使  
武林

吳子孝

西湖春好勝地莫教辜負了畫舫清謳柳暗花明水似  
油六橋東畔應有遊人來共看玉節珠袍天遣仙郎  
下九霄

前調

吳子孝

青山無數雲擁金昌亭下路十月溪堂竹外梅花已試  
香嘉賓旨酒笑指青山來獻壽百歲平安人共梅花  
老歲寒

前調

馮鼎位

長亭淒絕去歲傷秋曾送別楊柳灣頭一曲煙波一曲  
愁高城何許正在歸鴻欲沒處落照東風人倚朱闌  
第幾重

前調

題梅  
雪扇

明媛  
馬瓊瓊

雪梅妬色雪把梅花相抑勒梅性溫柔雪壓梅花怎起  
頭芳心欲訴全仗東君來作主傳語京君早與梅花  
作主人

前調

明媛  
孟淑卿

銀河如畫料峭黃花寒越瘦小立闌干滿砌花陰怯步  
還當年劉阮天台重訪桃花亂怪道而今眼底看頭  
剩月明



巫山一段雲

漢鏡歌巫山高為思歸詞後蜀毛文錫撰此調與菩薩蠻之別名巫山一片雲者無涉雙調四十四字

巫山一段雲

毛文錫

雨霽巫山上雲輕映碧天遠風吹散又相連十二晚峰  
前暗濕啼猿樹高籠過客船朝朝暮暮楚江邊幾度  
降神仙

前調

毛文錫

貌掩巫山色才過濯錦波阿誰提筆上銀河月裏寫嫦  
娥薄薄施鉛粉盈盈挂綺羅菖蒲花役夢魂多年代  
屬元和

前調

歐陽炯

絳闕登真子飄飄御彩鸞  
碧虛風雨珮光寒  
斂袂下雲端  
月帳朝霞薄  
星冠玉葉攢  
遠遊蓬島降  
人間特地拜龍顏

前調

李珣

有客經巫峽  
停橈向水湄  
楚王曾此夢  
瑤姬一夢杳無期  
塵暗珠簾卷  
香銷翠幄垂  
西風回首不勝悲  
暮雨灑空祠

前調

巫峽

李珣

古廟依青嶂  
行宮枕碧流水聲  
山色鎖妝樓  
往事思悠悠  
雲雨朝還暮  
煙花春復秋  
啼猿何必近孤舟  
行客自多愁

前調 樓鳳峰

趙孟頫

芍藥虛投贈丁香漫結愁鳳來鸞去兩悠悠新恨怯逢秋  
秋色驚心碧江聲入夢流何時絃管簇歸舟蘭棹泊沙頭

前調 翠屏峰

趙孟頫

碧水澄青黛危峰聳翠屏竹枝歌怨月三更別是斷腸聲  
煙外黃牛峽雲中白帝城扁舟清夜泊蘋汀倚棹不勝情

前調 淨壇峰

趙孟頫

疊嶂千層碧長江一帶清瑤壇霞冷月朧明敲枕不勝情  
雲過船牕曉星移宿霧晴古今離恨撥難平惆悵

峽猿聲

前調 松鶴峰

趙孟頫

松鶴堆嵐靄陽臺枕水渚風清月冷好花時惆悵阻佳  
期別夢愁蝴蝶離歌怨竹枝悠悠往事不勝悲春夢  
入雙睂

前調 雲霞峰

趙孟頫

碧水鴛鴦浴平沙荳蔻紅雲霞峰翠一重重帆卸落潮  
風澹薄雲籠月霏微雨洒篷孤舟晚泊浪聲中無處  
問音容

前調

明媛黃氏

巫女朝朝豔楊妃夜夜嬌行雲無力困纖腰媚眼暈紅

潮阿母梳雲髻檀郎整翠翹起來羅襪步蘭苔一見  
又魂銷

霜天曉角

又一體雙調  
四十四字

霜天曉角

趙長卿

閣兒幽寂處圍爐向小牕好是鬪頭兒坐梅煙炷返魂  
香對火怯夜冷猛飲消漏長飲罷且須自卧斜月照  
滿林霜

前調

又一體

趙長卿

玉清冰樣潔幾夜相思切誰料濃雲遮湧同心帶甚時  
結匆匆休惜別還有來時節記取江陰歸路須共踏

夜深月

前調

又一體

吳文英

煙林退葉紅  
偶藉遊人屨  
十里秋聲松路嵐  
雲重翠濤涉  
竚立閒素筵  
畫屏羅嶂疊  
明月雙成歸去  
天風裏鳳笙淡

酒泉子

又一體  
雙調  
四十四字

酒泉子

顧夙

黛怨紅羞掩  
映畫堂春欲暮  
殘花微雨隔青樓  
思悠悠  
芳菲時節看將度  
寂寞無人還獨語  
畫羅襦香粉污  
不勝愁



御選歷代詩餘卷九目錄四十四字

菩薩蠻

李白

温庭筠十四首

南唐李煜二首

和凝

韋莊三首

牛嶠七首

歐陽炯三首

魏承班二首

尹鶚三首



毛熙震 三首

李珣 二首

孫光憲 五首

馮延巳 八首

林楚翹

耿玉真

無名氏

李師中

謝絳

王安石

晏幾道 六首

蘇軾

黃庭堅

二首

秦觀

二首

陳師道

二首

賀鑄

孫洙

舒亶

九首

趙令時

二首

孫儀

蘇庠

四首

張表臣

謝逸

周邦彥

晁端禮 二首

陳克 三首

沈會宗

蔡伸

葉夢得

曾紆 二首

趙師俠 三首

呂本中 二首

湯思退

康與之

曾覲

辛棄疾

三首

范成大

二首

張孝祥

二首

姚寬

二首

程垓

三首

朱熹

二首

魏了翁

袁去華

三首

趙彥端

管鑑

劉儼 二首

黃機

嚴仁 二首

趙善扛 三首

盧祖皋

高觀國 五首

史達祖 二首

韓澆 三首

洪璚 二首

楊澤民

陳以莊

黃昇 二首

吳文英

石孝友

張桂

樓扶

史介翁

僧祖可

魏氏 三首

朱淑真 二首

孫道綸

盧摯

劉因

蕭漢傑

張翥

拜住

王璉

陸祖先

劉基

二首

楊基

二首

陳淳

王世貞

徐渭

王錫爵

湯顯祖

錢繼登

錢繼章

沈懋德

僧妙聲

葉小鸞

二首

御選歷代詩餘卷九目錄



Blank manuscript page with vertical columns.

御選歷代詩餘卷九

四十四字

司經局洗馬掌局事兼翰林院修撰加二級臣王奕清奉

旨校刊

菩薩蠻

雙調四十四字唐開元時南詔入貢危髻金冠瓔珞被體號菩薩蠻因以製曲宋隊舞亦有此名楊慎改蠻作嬋一名重疊金一名子夜歌一名女王曲一名花間意一名巫山一片雲皆後來更名平仄叶韻處稍有異同然體則一也李白作為千古傳詞平仄宜悉從之

菩薩蠻

李白

平林漠漠煙如織  
寒山一帶傷心碧  
暝色入高樓  
有人樓上愁  
闌干空佇立  
宿鳥歸飛急  
何處是歸程  
長亭更短亭

前調

温庭筠

小山重疊金明滅鬢雲欲度香腮雪嬾起畫蛾眉弄妝  
梳洗遲 照花前後鏡花面交相映新貼繡羅襦雙雙  
金鷓鴣

前調

空山寒山一帶雲心翠與色温庭筠

水晶簾裏玻璃枕暖香惹夢鴛鴦錦江上柳如煙鴈飛  
殘月天 藕絲秋色淺人勝參差翦雙鬢隔香紅玉釵  
頭上風

前調

温庭筠

牡丹花謝鶯聲歇綠楊滿院中庭月相憶夢難成背牕  
燈半明 翠鈿金壓臉寂寞香閨掩人遠淚闌干燕飛  
春又殘

前調

温庭筠

南園滿地堆輕絮  
愁聞一霎清明雨  
雨後却斜陽杏花  
零落香無言  
勻睡臉  
枕上屏山掩  
時節欲黃昏  
無慘獨倚門

前調

温庭筠

寶函銅雀金鷄  
灑沉香閣上  
吳山碧楊柳  
又如絲驛橋  
春雨時  
畫樓音信斷  
芳草江南岸  
鸞鏡與花枝  
此情誰得知

前調

温庭筠

玉樓明月長相憶  
柳絲裊娜春無力  
門外草萋萋  
送君聞馬嘶  
畫樓金翡翠  
香燭銷成淚  
花落子規啼  
綠窓

殘夢迷

前調

温庭筠

翠翹金縷雙鷓鴣  
水紋細起春池碧  
池上海棠梨雨晴  
紅滿枝  
繡衫遮笑靨  
煙草黏飛蝶  
青瑣對芳菲  
玉關音信稀

前調

温庭筠

蕊黃無限當山額  
宿妝隱笑紗牕隔  
相見牡丹時  
暫來還別離  
翠釵金作股  
釵上蝶雙舞  
心事竟誰知  
月明花滿枝

前調

温庭筠

杏花含露團香雪  
綠楊陌上多離別  
燈在月朧明  
覺來

聞曉鶯 玉鉤褰翠幙妝淺舊着薄春夢正關情鏡中  
蟬鬢輕

前調

温庭筠

鳳凰相對盤金縷牡丹一夜經微雨明鏡照新妝鬢輕  
雙臉長 畫樓相望久闌外垂絲柳音信不歸來社前  
雙燕回

前調

温庭筠

夜來皓月纔當午重簾悄悄無人語深處麝煙長卧時  
留薄妝 當年還自惜往事那堪憶花露月明殘錦衾  
知曉寒

前調

温庭筠

雨晴夜合玲瓏日萬枝香裊紅絲拂閒夢憶金堂滿庭  
萱草長 繡簾垂翠綬看黛遠山綠春水渡溪橋凭闌  
魂欲消

前調

温庭筠

竹風輕動庭除冷珠簾月上玲瓏影山枕隱濃妝綠檀  
金鳳凰 兩蛾愁黛淺故國吳宮遠春恨正關情畫樓  
殘點聲

前調

温庭筠

玉纖彈處眞珠落流多暗濕鉛華薄春露浥朝華秋波  
浸晚霞 風流心上物本爲風流出看取薄情人羅衣  
無此痕

前調

南唐李煜

尋春須是先春早看花莫待花枝老  
縹色玉柔擎醅浮  
殘面清何妨頻笑粲禁院春歸晚  
同醉與閒評詩隨  
疊鼓成

前調

南唐李煜

蓬萊院閉天台女畫堂晝寢無人語  
拋枕翠雲光繡衣  
聞異香潛來珠鎖動驚覺鴛鴦夢  
慢臉笑盈盈相看  
無限情

前調

和凝

越梅半折輕寒裏冰清澹薄籠藍水  
暖覺杏梢紅遊絲  
狂惹風閒階莎徑碧遠夢猶堪惜  
離恨又迎春相思



難重陳

前調

韋莊

紅樓別夜堪惆悵香燈半捲流蘇帳殘月出門時美人  
和淚辭琵琶金翠羽絃上黃鶯語勸我早歸家綠牕  
人似花

前調

韋莊

人人盡說江南好遊人只合江南老春水碧於天畫船  
聽雨眠壚邊人似月皓腕凝雙雪未老莫還鄉還鄉  
須斷腸

前調

韋莊

如今却憶江南樂當時年少春衫薄騎馬倚斜橋滿樓

紅袖招 翠屏金屈曲醉入花叢宿此度見花枝白頭  
誓不歸

前調

牛嶠

綠雲鬢上飛金雀愁眉斂翠春煙薄香閣掩芙蓉畫屏  
山幾重 曉寒天欲曙猶結同心苣啼粉浣羅衣問郎  
何日歸

前調

牛嶠

舞裙香暖金泥鳳畫梁語燕驚殘夢門外柳花飛玉郎  
猶未歸 愁勻紅粉淚眉翦春山翠何處是遼陽錦屏  
春晝長

前調

牛嶠

柳花飛處鶯聲急  
晴街春色香車立  
金鳳小簾開臉波  
和恨來  
今宵求夢想難到  
青樓上  
贏得一場愁  
鴛衾  
誰並頭

前調

牛嶠

畫屏重疊巫陽翠  
楚神尚有行雲意  
朝暮幾般心向他  
情漫深  
風流今古隔虛作  
瞿塘客  
山月照山花  
夢回  
燈影斜

前調

牛嶠

玉鑪冰簟鴛鴦錦  
粉融香汗流山枕  
簾外轆轤聲斂  
眉  
含笑驚  
柳陰煙漠漠  
低鬢蟬釵落  
須作一生判  
盡君  
今日歡

前調

玉釵風動春幡急交枝紅杏籠煙泣樓上望卿卿寒牕  
新雨晴熏爐蒙翠被繡帳鴛鴦睡何處最相知羨他  
初畫眉

前調

風簾燕舞鶯啼柳妝臺約鬢低纖手釵重髻盤珊一枝  
紅牡丹門前行樂客白馬嘶春色故故墜金鞭回頭  
應眼穿

前調

冬宴

歐陽炯

紅爐暖閣佳人睡隔簾飛雪添寒氣小院奏笙歌香風  
簇綺羅酒傾金琖滿蘭燭重開宴公子醉如泥天街

聞馬嘶

前調

翠眉雙斂新妝薄香閨斜卷青羅幙寒食百花時紅繁

香滿枝

雙雙梁燕語蝶舞相隨去腸斷正思君閒眠

冷繡茵

前調

畫屏繡閣三秋雨香唇膩臉倦人語語罷欲天明嬌多

夢不成

曉街鐘鼓絕嗔道如今別特地氣長吁倚屏

彈淚珠

前調

羅裾薄薄秋波染看間畫得山兩點相見綺筵時深情

魏承班

暗共知  
翠翹雲鬢動  
斂態彈金鳳  
宴罷入蘭房  
邀人  
解佩璫

前調

魏承班

羅衣隱約金泥畫  
璫筵一曲當秋夜  
聲顫覩人嬌  
雪鬢  
嫋翠翹  
酒熏紅玉軟  
看翠秋山遠  
繡幌麝煙沉  
誰人  
知兩心

前調

尹鶚

隴雲暗合秋天白  
俯牕獨坐窺煙陌  
樓際角重吹黃昏  
方醉歸  
荒唐難共語  
明日還應去  
上馬出門時  
金鞭  
莫與伊

前調

尹鶚

鳴鳴曉角調如語畫樓三會喧雷鼓枕上夢方殘月光  
鋪水寒 蛾眉應斂翠咫尺同千里宿酒未全消滿懷  
離恨饒

前調

尹鶚

錦茵間襯丁香枕銀釭落盡猶慵寢顚坐徧紅爐誰知  
情緒孤 少年狂蕩慣花曲長牽絆去便不歸來空教  
駿馬回

前調

毛熙震

繡簾高軸臨塘看雨翻荷芰真珠散殘暑晚初涼輕風  
度水香 無慘悲往事爭奈牽情思光景暗相催等閒  
秋又來

前調

毛熙震

梨花滿院飄香雪高樓夜靜風箏咽斜月照簾帷憶君  
和夢稀小牕燈影背燕語驚愁態屏掩斷香飛行雲  
山外歸

前調

毛熙震

天含殘碧融春色五陵薄倖無消息盡日掩朱門離愁  
暗斷魂鶯啼芳樹暖燕拂回塘滿寂寞對屏山相思  
醉夢間

前調

李珣

迴塘風起波紋細刺桐花裏門斜閉殘日照平蕪雙雙  
飛鷓鴣征帆何處客相見還相隔不語欲魂銷望中



煙水遙

前調

李珣

隔簾微雨雙飛燕  
砌花零落紅深淺  
拾得寶箏調心隨  
征櫂遙  
楚天雲外路  
動便經年去  
香斷畫屏深  
舊歡何處尋

前調

孫光憲

月華如水籠香砌  
金環碎撼門初閉  
寒影墜高簷  
鈎垂一面簾  
碧煙輕裊裊  
紅顛燈花笑  
即此是高唐  
掩屏秋夢長

前調

孫光憲

青岳碧洞經朝雨  
隔花相喚南溪去  
一隻木蘭船  
波平

遠浸天 扣舷驚翡翠嫩玉擡香臂紅日欲沉西煙中  
遙解攜

前調

孫光憲

小庭花落無人埽疎香滿地東風老春晚信沉沉天涯  
何處尋 曉堂屏六扇看共湘山遠爭奈別離心近來  
尤不禁

前調

孫光憲

花冠頻鼓牆頭翼東方澹白連牕色門外早鶯聲背樓  
殘月明 薄寒籠醉態依舊鉛華在握手送人歸半拖  
金縷衣

前調

孫光憲

木棉花映叢祠小越禽聲裏春光曉銅鼓與蠻歌南人  
祈賽多客帆風正急茜袖偎檣立極浦幾回頭煙波  
無限愁

前調

馮延巳

梅花吹入誰家笛行雲半夜凝空碧敲枕不成眠關山  
人未還聲隨幽怨絕空斷澄霜月月影下重簷輕風  
花滿簾

前調

馮延巳

金波遠逐行雲去疎星時作銀河渡花影臥秋千更長  
人不眠玉箏彈未徹鳳髻橫釵脫憶夢翠蛾低微風  
吹繡衣

前調

馮延巳

畫堂昨夜西風過  
繡簾時拂朱門鎖  
驚夢不成雲雙蛾  
枕上顰  
金爐煙嫋嫋  
燭暗紗牕曉  
殘月尚彎環  
玉箏和淚彈

前調

馮延巳

回廊遠砌生秋草  
夢魂千里青門道  
鸚鵡怨長更碧籠  
金鎖橫  
羅幃中夜起  
霜月清如水  
玉露不成圓  
寶箏悲斷弦

前調

馮延巳

嬌鬢堆枕釵橫鳳  
溶溶春水楊花夢  
紅燭淚闌干翠屏  
煙浪寒  
錦壺催畫箭  
玉佩天涯遠  
和淚試嚴妝  
落梅

飛夜霜

前調

馮延巳

西風嫋嫋凌歌扇秋期正與行雲遠花葉脫霜紅流螢  
殘月中蘭閨人在否千里重樓暮翠被已銷香夢隨  
寒漏長

前調

馮延巳

沉沉朱戶橫金鎖紗牕月影隨花過燭淚欲闌干落梅  
生晚寒寶釵橫翠鳳千里香屏夢雲雨已荒涼江南  
春草長

前調

馮延巳

敲鬟墮髻搖雙槳采蓮晚出清江上顧影約流萍楚歌

嬌未成  
相逢顰翠黛  
笑把珠璫解  
家住柳陰中  
畫橋東復東

前調

林楚翹

畫堂春  
晝垂珠箔臥來揉  
惹金釵落簾滑  
枕頭移鬢蟬  
狂欲飛  
笑拖嬌眼慢羅袖  
籠花面  
重道好郎君  
人前莫惱人

前調

唐女郎

耿玉真

玉京人去  
秋蕭索  
畫簷鵲起梧桐  
落敲枕悄  
無言月  
和清夢圓  
背燈惟暗泣  
甚處砧聲急  
看黛遠  
山攢芭蕉生暮寒

前調

無名氏

牡丹含露真珠顆美人折向庭前過含笑問檀郎花強  
妾貌強檀郎故相惱須道花枝好一面發嬌嗔碎接  
花打人

前調

李師中

子規啼破城樓月畫船曉載笙歌發兩岸荔支紅萬家  
煙雨中佳人相對泣淚下羅衣濕從此信音稀嶺南  
無鴈飛

前調

詠目

謝絳

娟娟侵鬢妝痕淺雙眸相媚嚬如翦一瞬百般宜無端  
笑與啼酒闌思翠被特故瞢騰地生怕促歸輪微波  
先注人

前調

王安石

數間茆屋閒臨水  
窄衫短帽垂楊裏  
花是去年紅  
吹開一夜風  
梢梢新月偃  
午醉醒來晚  
何物最關情  
黃鸝三兩聲

前調

晏幾道

來時楊柳東橋路  
曲中暗有相期處  
明月好  
姻緣欲圓還未圓  
却尋芳草去  
畫扇遮微雨  
飛絮莫無情  
閒花應笑人

前調

晏幾道

春風未放花心吐  
尊前不擬分明語  
酒色上來遲  
綠鬢紅杏枝  
今朝着黛淺  
暗恨歸時遠  
別後月當樓  
相逢



南陌頭

前調

晏幾道

嬌香淡染胭脂雪  
愁春細畫彎彎月  
花月鏡邊人  
淺妝勻未成  
佳期應有在  
試倚鞦韆待  
滿地落英紅  
萬條楊柳風

前調

晏幾道

香蓮燭下勻丹雪  
妝成笑弄金塔月  
嬌面勝芙蓉  
臉邊天與紅  
玳筵催疊鼓  
喚上華裯舞  
春淺未禁寒  
暗嫌羅袖寬

前調

晏幾道

哀箏一弄湘江曲  
聲聲寫盡湘波綠  
纖指十三絃  
細將

幽恨傳 當筵秋水慢 王柱斜飛 鴈彈到斷腸時 春山  
看黛低

前調

晏幾道

江南未雪 梅花白憶 梅人是江南客 猶記舊相逢 澹煙  
微月中 玉容長有信 一笑歸來近 懷遠上樓時 晚雲  
和鴈低

前調

蘇軾

買田陽羨 吾將老從來 只爲溪山好 來往一虛舟 聊隨  
物外遊 有書仍懶著 水調歌歸去 筋力不辭疲 要須  
風雨時

前調

黃庭堅

半煙半雨溪橋畔  
漁翁醉著無人喚  
踈嬾意何長  
春風花草香  
江山如有待  
此意陶潛解  
問我去何之  
君行到自知

前調

黃庭堅

輕風裊斷沉煙炷  
霏微盡日寒塘雨  
殘繡沒心情  
鳥啼花外聲  
離愁難自制  
年少乖盟誓  
寂寞掩朱門  
羅衣空淚痕

前調

秦觀

金風簌簌驚黃葉  
高樓影轉銀蟾匝  
夢斷繡簾垂  
月明烏鵲飛  
新愁知幾許  
渾似絲千縷  
鴈已不堪聞  
砧聲何處邨

前調

秦觀

蟲聲泣露驚秋枕羅幃淚濕鴛鴦錦獨臥玉肌涼殘更  
與恨長 陰風翻翠幔雨澀燈花暗畢竟不成眠鴉啼  
金井寒

前調

七夕  
二首

陳師道

倚樓小小穿鍼女秋光點點蛛絲雨今夕是何宵龍車  
烏鵲橋 經年謀一笑豈解令人巧不用問如何人間  
巧更多

前調

陳師道

銀潢清淺填烏鵲畫簷急雨長河落初月未成圓明星  
惜此筵 愁來無斷絕歲歲年年別不用淚紅滋年年

歲歲期

前調

賀鑄

厭厭別酒商歌送蕭蕭涼葉秋聲動小泊畫橋東孤舟  
月滿篷高城遮短夢衾藉餘香擁多謝五更風猶聞  
城裏鐘

前調

孫洙

樓頭尚有三通鼓何須抵死催人去上馬苦匆匆琵琶  
曲未終回頭凝望處那更廉纖雨漫道玉為堂玉堂  
今夜長

前調

舒亶

畫船擗鼓催君去高樓把酒留君住去住若為情江頭

潮欲平 江潮容易得只是人南北今日此尊空知君  
何日同

前調

舒 亶

柳橋花塢南城陌朱顏綠髮長安客雨後小池臺尋常  
載酒來 馬頭今日路却望城西去斜日下汀洲斷雲  
和淚流

前調

舒 亶

樓前流水西江道江頭水落芙蓉老畫鼓疊涼波凭闌  
顰翠蛾 當年金馬客青鬢蘆花色把酒感秋蓬驪歌  
半醉中

前調

舒 亶

小亭露壓風枝動鵲爐火冷金  
爐凍悄悄對西牕瘦知  
羅帶長 欲眠思帶酒坐聽寒更久無賴是青燈開花  
故故明

前調

舒 亶

白蘋洲渚垂楊岸藕花未放青蒲短斜日畫船歸背人  
雙鷺飛 醉眠金馬客不道風塵隔紅影上牕紗小庭  
空落花

前調

茶

舒 亶

金船滿引人微醉紅綃籠燭催歸騎香泛雪盈杯雲龍  
疑夢回 不辭風滿腋舊是仙家客空得夜無眠南牕  
衾枕寒

前調

舒 亶

江梅未放枝頭結  
江樓已見山頭雪  
待得此花開  
知伊來不來  
風帆雙畫鷁  
小雨隨行色  
空得鬱金裙  
酒痕和淚痕

前調

舒 亶

綠牕酒醒春如夢  
小池猶見紅雲動  
露濕井榦桐  
翠陰生細風  
雨過方塘淨  
清書閣中永  
門外立雙旌  
隔花聞笑聲

前調

舒 亶

憶曾把酒當紅翠  
舞腰柳弱歌聲細  
縱馬杏園西  
歸來香滿衣  
寶車金犢駐  
事逐孤鴻去  
搔首立江干  
春蘿



後進歷代詩餘 卷六  
十六  
挂暮山

前調

趙令時

輕鷗欲下春塘浴雙雙飛破春煙綠兩岸野薔薇翠籠  
熏繡衣 凭船間弄水中有相思意憶得去年時水邊  
初別離

前調

趙令時

春風試手先梅蕊頽姿冷豔明沙水不受衆芳知端須  
月與期 清香閒自遠先向釵頭見雪後燕瑤池人間  
第一枝

前調

落梅

孫 儀

一聲羌笛吹嗚咽玉溪夜半梅翻雪江月正茫茫斷橋

流水香  
含章春欲暮  
落日千山雨  
一點著枝酸  
吳姬先齒寒

前調

再至西岡  
兼懷後湖

蘇庠

短船誰泊蒹葭渚  
夜深遠火明漁浦  
却憶槿花籬  
春聲穿竹溪  
雲山如昨  
好人自垂垂  
老心事有誰知  
月明霜滿枝

前調

同彥達  
舟中作

蘇庠

眼中疊疊煙中樹  
晚雲點點翻荷雨  
鷗泛渚邊煙  
綠蒲秋滿川  
未成江海去  
聊作林塘主  
客恨濶無津  
風斜白氎巾

前調

澧陽  
庄

蘇庠

照溪梅雪和煙墮寒林漠漠愁煙鎖客恨渺無涯鴈來  
人憶家 遠山疑帶雨一線雲間語霜月又嬋娟江南  
若箇邊

前調

蘇庠

園林寂寂春歸去濛濛柳下飄香絮野水接雲橫綠煙  
啼曉鶯 江南鶗鴂夢山色歸來重小艇小灣頭蘋花  
蘋葉舟

前調

張表臣

垂虹亭下扁舟住松江煙雨長橋暮白苧聽吳歌佳人  
淚臉波 勸傾金鑿落莫作思家惡綠鴨與鱸魚如何  
可寄書

前調

謝逸

縠紋波面浮鷓鴣蒲芽出水參差碧滿院落花香柳梢  
初弄黃 衣輕紅袖皺春困花枝瘦睡起玉釵橫隔簾  
聞曉鶯

前調

周邦彥

銀河宛轉三千曲浴鳧飛鷺澄波綠何處望歸舟夕陽  
江上樓 天憎梅浪發故下封枝雪深院捲簾看應憐  
江上寒

前調

回文  
二首

晁端禮

捲簾風入雙雙燕燕雙雙入風簾捲明月曉啼鶯鶯啼  
曉月明 斷腸空望遠遠望空腸斷樓上幾多愁愁多

幾上樓

前調

晁端禮

遠山看映橫波臉臉波橫映着山遠雲鬢插花新  
新花插鬢雲斷魂離思遠遠思離魂斷門掩未黃昏  
昏黃未掩門

前調

陳克

赤闌橋盡香街直籠街細柳嬌無力金碧上晴空  
花晴簾影紅黃衫飛白馬日日朱樓下醉眼不逢人  
午香吹暗塵

前調

陳克

池塘淡淡浮鷓鴣杏花吹盡垂楊碧天氣度清明小園

新雨晴 綠牕描繡罷笑語荼蘼下圍坐賭青梅困從  
雙臉來

前調

陳克

綠蕪牆繞青苔院中庭日淡芭蕉卷蝴蝶上堦飛風簾  
自在垂 玉鈎雙語燕寶甃楊花轉幾處簸錢聲綠牕  
春夢輕

前調

沈會宗

落花迤邐層陰少青梅競弄枝頭小江色雨和煙行人  
江那邊 好花都過了滿地空芳草落日醉醒間一春  
無此寒

前調

蔡伸

杏花零落清明雨，卷簾雙燕來還去。  
枕上玉芙蓉，暝香堆鏡紅。  
翠翹金鈿，雀蟬鬢慵梳掠。  
心事一春閒，黛眉顰遠山。

前調

湖光亭  
晚集

葉夢得

平波不盡蒹葭遠，清霜半落沙痕淺。  
煙樹晚微茫，孤鴻下夕陽。  
梅花消息近，試向南枝問。  
記得水邊春，江南別後人。

前調

月夜

曾紆

山光冷浸清溪底，溪光直到柴門裏。  
卧對白蘋洲，敲眠數釣舟。  
溪山無限好，恨不相逢早。  
老眼獨醒多，其如良夜何。

前調 春陵迎陽亭

趙師俠

西風又老瀟湘樹  
翩翩黃葉辭枝去  
斜日澹雲籠溪山  
煙靄中  
危闌間獨倚  
穀浪連天際  
殘角起江城  
書空征鴈橫

前調 瑞蔭亭秋望

趙師俠

小春愛日融融  
暝危亭望處  
晴嵐滿江淨  
綠迴環橫陳  
無際山  
清霜欺遠樹  
黃葉風扶去  
試採嶺頭梅  
點紅開未開

前調

趙師俠

晚風斷送歸帆  
急重城回首  
天連碧猶有小樓情  
西山如舊青  
故園今漸近  
應卜燈花信  
一喜一牽縈  
平分



兩處心

前調

客愁不到西池路  
殘春又逐花飛去  
今日傍池行  
新荷昨夜生  
故人千慮繞  
不道書來少  
去住隔關河  
長亭風雨多

前調

水月寺

湯思退

畫船橫絕湖波練  
更上雕鞍窮翠巘  
霜橘半垂黃  
征衣盡日香  
鐘聲雲外聽  
金界青松映  
何處是華山峰巒  
杳靄間

前調

荷花

康與之

南軒面對芙蓉浦  
宜風宜月還宜雨  
紅少綠多時  
簾前

光景奇 繩牀烏木几盡日繁香裏睡起一樽新與花  
為主人

前調

次韻春日即事

曾覲

杏花寒食佳期近一簾煙雨琴書潤砌下水潺潺玉笙  
吹暮寒 楚臺雲易散往事尋思嬾花底醉相扶當時  
人在無

前調

賦摘阮

辛棄疾

阮琴斜挂香羅綬玉纖初試琵琶手桐葉雨聲乾珍珠  
落玉盤 朱絃調未慣笑倩東風伴莫作別離聲且聽  
雙鳳鳴

前調

分賦櫻桃

辛棄疾

香浮乳酪玻璃瓊年年醉裏嘗新慣何物比春風歌脣  
一點紅 江湖清夢斷翠籠明光殿萬顆寫輕勻低頭  
愧野人

前調

杏花

辛棄疾

東風約略吹羅幕一簷細雨春陰薄試把杏花看濕紅  
嬌暮寒 佳人雙玉枕烘醉鴛鴦錦折得最繁枝暝香  
生翠帷

前調

范成大

雪林一夜收寒了東風恰向燈前到今夕是何年新春  
新月圓 綺叢香霧隔猶記醒狂客留取縷金幡夜蛾  
相並看

前調

范成大

春城辦得紅蕖了紅蕖未點春先到新月入新年方纔  
今夜圓雲屏誰爲隔腸斷金釵客好語寫春幡都教  
席上看

前調

赴東鄰  
集戲作

張孝祥

庭葉翻翻秋向晚砧聲敲月催金翦樓上已清寒不堪  
頻倚闌鄰翁開社甕喚客情應重不醉且無歸醉時  
歸路迷

前調

張孝祥

雪消牆角收燈後野梅官柳春全透池閣又東風燭花  
燒夜紅一尊留好客敲盡闌干月已醉不須歸試聽

烏夜啼

前調

姚寬

斜陽山下明金碧畫樓返照融春色睡起揭簾旌玉人  
蟬鬢輕無言空佇立花落東風急燕子引愁來省心  
那得開

前調

姚寬

夢中不記江南路玉釵翠鬢驚春去午醉晚來醒暝煙  
花上輕紅綃空浥淚錦字憑誰寄衫薄暖香消相思  
雲水遙

前調

程垓

曉煙籠日浮山翠春風著水回川媚遠近碧重重人家

山色中  
野花香自度似識幽人處安得著三間與山  
終日間

前調

程垓

淺寒帶暝和煙下輕陰挾雨隨風灑翠幕護重簾篆香  
銷半匳平生風雨夜怕近芭蕉下今夕定愁多蕭蕭  
聲奈何

前調

程垓

平蕪冉冉連雲綠斜陽襯雨明溪足小鴨睡晴沙翠烘  
三兩花春光閒婉婉盡日無人見試著小屏山圖歸  
雲際看

前調

回文  
二首

朱熹

後漢不詳  
卷  
三  
晚紅飛盡春寒淺淺寒春盡飛紅晚尊酒綠陰繁繁陰  
綠酒尊 老仙詩句好好句詩仙老長恨送年芳芳年  
送恨長

前調

朱熹

暮江寒碧縈長路路長縈碧寒江暮花塢夕陽斜斜陽  
夕塢花 客愁無勝集集勝無愁客醒似醉多情情多  
醉似醒

前調

壽江  
碎

魏了翁

東窓五老峰前月南窓九疊坡前雪推出侍郎山著君  
窓戶間 離騷鄉裏住恰記庚寅度挹取芷蘭芳酌君  
千歲觴

前調

袁去華

流蘇寶帳沉煙馥寒林小景銀屏曲睡起鬢雲鬆日高  
花影重 沉吟思昨夢閒抱琵琶弄破撥錯成聲春愁  
指下生

前調

杜省幹席上  
賦桃花菊

袁去華

木樨開徧芙蓉老東籬獨占秋光好還記笑春風新妝  
相映紅 莫嫌彭澤令不似劉郎韻把酒賦新詩花前  
知是誰

前調

袁去華

西風吹雨鳴庭樹嫩寒先到孤眠處愁極夢頻驚馬嘶  
天漸明 千林楓葉赤寒事催刀尺樹杪又斜陽迢迢



歸路長

前調

趙彥端

倚闌閒撚生綃扇  
新涼庭戶微風轉  
疎雨斷簷聲淡雲  
開晚晴  
蔗漿寒浸齒  
枕簟清如水  
相憶不勝愁  
月來簾上鉤

前調

德興錢別座間作

管鑑

今日雲山堂上客  
明朝真箇雲山隔  
人不似行雲相隨  
長短亭  
堂空歌韻響  
清切緣雲上  
留住莫教飛  
怕如人別離

前調

效唐人閨怨

劉凝

吹簫人去行雲杳  
香篝繡被都閒了  
疊損縷金衣  
伊家

渾不知 冷煙寒食夜淡月梨花下猶自軟心腸爲他  
燒夜香

前調

劉儼

東風去了秦樓畔一川煙草無人管芳樹雨初晴黃鸝  
三兩聲 海棠花已謝春事無多也只有牡丹時知他  
歸不歸

前調

黃機

惜山不厭山行遠山中禽鳥頻經見小雨似憐春霏霏  
容易晴 青裙田舍婦饁餉前邨去溪水想平腰喚船  
依斷橋

前調

雙溪亭

嚴仁

征鴻點破空雲碧丹霞染出新秋色  
返照落平洲半江紅錦流  
風清漁笛晚寸寸愁腸斷  
寄語笛休橫只消三兩聲

前調

春遊

趙善扛

楚宮楊柳依依碧遙山翠影橫  
波溢絕豔照穠春春光欲醉人  
纖纖芳草嫩微步輕羅襯花戴  
滿頭歸遊蜂花上飛

前調

春宵

趙善扛

一川花月青春夜玉容依約花陰下  
月照曲闌干紅綃浥露寒  
袖香溫素手意怯金卮酒香遠  
繡簾開畫樓吹落梅

前調

趙善扛

玉關芳草黏天碧  
春風萬里思  
行客驕馬向風嘶  
道歸猶未歸  
南雲新有鴈  
望眼愁邊斷  
膏沐爲誰容  
倚樓煙雨中

前調

盧祖皋

翠樓十二闌干曲  
雨痕新染葡萄綠  
時節又黃昏  
東風深閉門  
玉簫吹未徹  
牕影梅花月  
無語只低眉  
閒拈雙荔枝

前調

蘇堤芙蓉

高觀國

紅雲半壓秋波碧  
豔妝泣露嬌啼色  
佳夢入僊城  
風流石曼卿  
宮袍呼醉醒  
休捲西風錦  
明日粉香殘  
六橋

煙水寒

前調 水晶  
脣

高觀國

玉鱗熬出香凝軟并刀斷處冰絲顫紅縷間堆盤輕明  
相映寒 纖柔分勸處膩滑難停筋一洗醉魂清真成  
醒酒冰

前調 中秋

高觀國

何須急管吹雲暝高寒灑灑開金餅今夕不登樓一年  
空過秋 桂花香霧冷梧葉西風影客醉倚河橋清光  
愁玉簫

前調 咏雙心  
水仙

高觀國

雲嬌雪嫩羞相倚凌波共酌春風醉的爍玉臺寒肯教

金瓊單 只疑雙蝶夢翠袖和香擁香外有鴛鴦風流  
煙水鄉

前調

高觀國

春風吹綠湖邊草春光依舊湖邊道玉勒錦障泥少年  
遊冶時 煙明花似繡且醉旗亭酒斜日照花西歸鴉  
花外啼

前調

史達祖

梨花不礙東城月月明照見空闌雪雪底夜香微褰簾  
拜月歸 錦衾幽夢短明日南堂宴宴罷小樓臺春風  
來不來

前調

酒半  
戲成

韓 流

秋光只共秋風老秋山却笑秋吟少恰恨有秋香青巖  
秋夜涼 清秋須是酒結客秋知否醉筆寫成秋一秋  
無復愁

前調

宿水

洪 璫

斷虹遠飲橫江水萬山紫翠斜陽裏繫馬短亭西丹楓  
明酒旗 浮生長客路事逐孤鴻去又是月黃昏寒燈  
人閉門

前調

湖上

洪 璫

吳姬壓酒浮紅蟻少年未飲心先醉駐馬綠楊陰酒樓  
三月春 相看成一笑遺恨知多少回首欲魂銷長橋  
連短橋

前調

楊澤民

吟風敲遍闌干曲極目澄江千頃綠長笛下扁舟一聲  
人倚樓 牀頭醅正發帳底人如雪月色夜來看可堪  
霜信寒

前調

陳以莊

舉頭忽見衡陽鴈千聲萬字情何限耐耐薄情夫一行  
書也無 泣歸香閣恨和淚淹紅粉待鴈却回時也無  
書寄伊

前調

黃昇

南山未解松梢雪西山已挂梅梢月說似玉林人人間  
無此清 此身元是客小住娛今夕拍手凭闌干霜風



吹鬢寒

前調

立秋

黃林昇

西風半夜驚羅扇，蛩聲入夢傳幽怨。碧藕試初涼，露痕

啼粉香

清冰凝簟竹，不許雙鴛宿。又是五更鐘，鴉啼

金井桐

前調

吳文英

綠波碧草長堤色，東風不管春狼籍。魚沫細痕圓，燕泥

花唾乾

無情牽怨抑，畫舸紅樓側。斜日起，凭闌垂楊

舞曉寒

前調

石孝友

雪香白盡江南隴，暖風綠到池塘夢。疊影上檐明，夜潮

春水生 踏青何處去 楊柳橋邊路 不見浣花人 汀洲  
空白蘋

前調

張桂

東風急驟無人見 玉塘煙浪浮花片 步濕下香堦 苔黏  
金鳳鞵 翠鬢愁不整 臨水閒窺影 摘得野薔薇 遊蜂  
相趁歸

前調

樓扶

絲絲楊柳鶯聲近 晚風吹過秋千影 寒色一簾輕 燈殘  
夢不成 耳邊消息在 笑指花梢待 又是不歸來 滿庭  
花自開

前調

史介翁

和史介翁

菩薩蠻

七

詞

柳絲輕颺黃金縷織成一片紗窓雨鬪合做春愁困慵  
熏玉篝 暮寒羅袖薄社雨催花落先自爲詩忙薔薇  
一陣香

前調

僧祖可

誰能畫取沙邊雨和煙澹埽蒹葭渚別岫却斜暉采蓮  
人未歸 鴛鴦如解語對浴紅衣去去了更回頭教儂  
特地愁

前調

宋媛 魏香氏

溪山掩映斜陽裏樓臺影動鴛鴦起隔岸兩三家出牆  
紅杏花 綠楊堤下路早晚溪邊去三見柳綿飛離人  
猶未歸

前調

魏氏

東風已綠瀛洲草  
畫樓簾捲清霜曉  
清絕北湖梅滿枝  
花未開  
長天音信斷  
又見南歸鴈  
何處是離愁  
長安明月樓

前調

魏氏

紅樓斜倚連谿曲  
樓前谿水凝寒玉  
蕩漾木蘭船  
船中人少年  
荷花嬌欲語  
笑入鴛鴦浦  
波上暝煙低  
菱歌月下歸

前調

梅

宋媛

朱淑真

濕雲不斷溪橋冷  
嫩寒初透東風影  
橋下水聲長  
一枝和雪香  
人憐花似舊  
花比人應瘦  
莫凭小闌干  
夜深

花正寒

前調

朱淑真

山亭水榭秋方半  
鳳幃寂寞無人伴  
愁悶一番新  
雙蛾只舊顰  
起來臨繡戶  
時有踈螢度  
多謝月相憐  
今宵不忍圓

前調

宋媛  
孫道綸

闌干六曲天圍碧  
松風亭下梅梢白  
臘盡見春回  
寒花驚又開  
曲瓊閒不捲  
沉潦孤星轉  
凝佇小徘徊  
雲間征鴈來

前調

盧摯

市橋煙柳春如畫  
小樓明月吳山下  
把酒聽君歌  
可人

良夜何 舊遊新夢斷月落西山遠江上數峰青寄聲  
徐孺亭

前調 湖上  
即事

劉 因

樓前曲浪歸橈急樓中細雨春風濕終日倚危闌故人  
湖上山 高情渾似舊只在東風瘦薄晚去來休裝成  
一段愁

前調 春雨

蕭漢傑

春愁一段來無影著人似醉昏難醒煙雨濕闌干杏花  
驚蟄寒 唾壺敲欲破絕叫憑誰和今夜欠添衣那人  
知不知

前調

張 翥

後選歷代詩餘 卷九  
郎情秋後蕭疎葉妾心陌上悠揚蝶何處望歸鞍暮雲  
山外山 梨花新月下獨自燒香罷惟有夢相尋驚鳥  
啼夜深

前調

秋千

拜住

紅繩畫板柔荑指東風燕子雙雙起誇俊與爭高更將  
裙繫牢 牙牀和困睡一任金釵墜推枕起來遲紗牕  
月上時

前調

題黃子久溪  
山雨意圖

王璉

青山不趁江流去數點翠收林際雨漁屋遠模糊煙邨  
半有無 一峰飛醉墨秋與天爭碧淨洗綺羅塵一巢  
栖亂雲

前調

題趙松雪  
水邨圖

陸祖先

當年圖畫知何處如今身向滄洲住吾亦愛吾廬芸牕  
幾卷書 青山天際小目送飛鴻杳試問釣魚船蘆花  
淺水邊

前調

越城  
晚眺

劉基

西風吹散雲頭雨斜陽却照天邊樹樹色蕩湖波波光  
豔綺羅 征鴻何處起點點殘霞裏月上海門山山河  
莽蒼間

前調

集句贈  
野人

劉基

林中獨酌鄰家酒門前學種先生柳灌木自悲吟風泉  
清道心 獨行潭底影蟬噪林逾靜渡口欲黃昏殘陽



歸掩門

前調

花邊  
夜宿

楊基

瀟湘門外春江水小紅樓子臨江起樓下是誰家一株  
含笑花 蘭舟休遠去只就花邊住花影上牙檣夢魂  
今夜香

前調

梨花  
月

楊基

水晶簾外娟娟月梨花枝上層層雪花月兩模糊隔簾  
看欲無 月華今夜黑全見梨花白花也笑姮娥讓他  
春色多

前調

山園

陳淳

山中寂靜無人到松筠滿眼平生好讀罷古人書一樽

聊自如 忽聞山鳥語絕勝歌仙侶醉醒月明時鳥還  
人不知

前調

太白  
酒樓

王世貞

高樓百尺攀星漢東秦十二誇雄觀野曠覺天低天迴  
海樹齊 誰教狂李白獨起千秋色而我亦歌呼乾坤  
一酒徒

前調

閨人  
織趾

徐渭

千嬌更是羅襪淺有時立在秋千板板已窄稜稜猶餘  
三四分 紅絨剛半索繡滿幫兒雀莫去踏香堤遊人  
量印泥

前調

飲邨  
舍

王錫爵

翠屏疊疊知多少小橋斜去西流遠茅屋幾人家桃花  
和李花 疎籬遮短短撲鼻香醪滿燕子一雙低樽前  
墜濕泥

前調

湯顯祖

赤闌橋盡香街直牡丹風外垂楊碧疊損縷金衣相逢  
憔悴時 黃衫騎白馬日日青樓下金彈惜流鶯留他  
歌一聲

前調

索笑軒  
送梅

錢繼登

梅花未忍辭春去風風雨雨情難住曉起探芳叢瓊瑤  
一半空 可憐塵世事聚散皆如是莫用苦匆匆銜杯  
風雨中

前調

移情檻雨中獨坐

錢繼章

桃香杉氣來何處好風吹過隨風去  
小雨細如絲幽人薄醉時  
闌干閒倚佇深意誰同語  
忽有玉人來雙雙白鷺迴

前調

江遊

沈懋德

江聲洶洶魚龍老雲情煙色從空繞  
千里一扁舟看完無限秋  
蘋花隨浪急白鷺迎風立  
獨有倚樓人凝眸語不聞

前調

僧妙聲

白雲滿地迷行路溪流百折無由渡  
水上見胡麻有人雙浣沙  
仙家知己近失喜驚相問  
渡口碧桃開郎君

何處來

前調

明媛

葉小鸞

輕煙一抹連天碧  
簾前規月和煙白  
翠竹落梅疎相憐  
雪霽初博山香欲燼  
風透紗牕冷四望寂  
寥寥間堦花影搖

前調

葉小鸞

秋聲又到梧桐井  
半廊花霧籠虛影  
試喚侍兒來紗牕  
帶月開浮光憐露葉  
暗草蛩淒切何事獨  
愁予新詞吟未如

御選歷代詩餘卷九